

"মিষ্টি বাচ্চারা - তোমরা বাবার শ্রীমতে চললে কেউ তোমাদের দুঃখ দিতে পারবেনা, তোমাদের দুঃখ -সমস্যার কারণ রাবণের, তোমাদের রাজধানীত তার কোনও অস্তিত্ব থাকেনা।"

প্রশ্নঃ - এই জ্ঞান যজ্ঞে তোমরা বাচ্চারা কিসের আহুতি দাও ?

উত্তরঃ - এই জ্ঞান যজ্ঞে তোমরা কোনো তিল যবের আহুতি দাওনা, এই যজ্ঞে দেহসহ তোমাদের যা কিছু আছে সেইসব আহুতি দিতে হবে অর্থাৎ বুদ্ধি থেকে সবকিছু তোমাদের ভুলিয়ে দিতে হবে। পবিত্র থাকে তেমন ব্রাহ্মণরাই একমাত্র তা' করতে পারে। যারা পবিত্র ব্রাহ্মণ হতে পারে তারাই আবার সেই দেবতায় পরিণত হয়।

গীতঃ- তোমায় খুঁজে পেয়ে, মোরা পেয়েছি সকলই ধন .....

ওম্ শান্তি । বাচ্চারা বাবার কাছে এসেছে। নিশ্চিত, যে বাচ্চারা তখনই আসবে যখন তারা তাঁকে চিনে জেনে 'বাবা' বলে ডাকবে। তা নাহলে তারা এখানে আসতে পারেনা। বাচ্চারা বোঝে যে, তারা বেহদের নিরাকার বাবার কাছে যায়। তাঁর নাম শিববাবা। তাঁর নিজের কোনো শরীর নেই, কেউই তাঁর শত্রু হতে পারেনা। এখানে শত্রুতা হলে শাসককেও মেরে ফেলে। গান্ধীকে মারতে পেরেছিল কারণ তাঁর তো শরীর ছিল। বাবার তো নিজের কোনও শরীরই নেই! এমনকি তারা যদি আমাকে মারতেও চায়, মৃত্যু তারই হবে যার শরীরে আমি প্রবেশ করেছি। আত্মাকে কেউ মারতে বা কাটতে পারেনা। যারা আমাকে যথার্থ রূপে জানে, আমি তাদের রাজ্যভাগ্য দিই। যে পরিস্থিতিই আসুক না কেন সেই রাজ্যভাগ্যকে না পারে কেউ জ্বালাতে, আর না পারে সমুদ্রে ডুবিয়ে দিতে! তোমরা বাবার থেকে অবিনাশী রাজত্বের উত্তরাধিকার নিতে এসেছ। সেখানের রাজধানীতে কেউ কারও জন্য দুঃখ বা সমস্যা উত্পন্ন করতে পারেনা, সেখানে প্রতিবন্ধকতা সৃষ্টি করতে পারে এমন কেউ হয়ই না। সমস্ত সমস্যার কারণ, রাবণ। রাবণকে দশ মাথাসহ দেখানো হয়। তারা রাবণের দশটা মাথা দেখায়, মন্দোদরীর নয়। তারা সহজেই বলে দেয় সে রাবণের স্ত্রী ছিল। এখানে রাবণ রাজ্যে তোমাদের কষ্ট হতে পারে, সেখানে রাবণের কোনও স্থান নেই। বাবা নিরাকার! কেউ তাঁকে মারতে বা কাটতে পারেনা। তোমাদেরও এইরকম তৈরি করেন যাতে তোমাদের শরীর থাকা সত্ত্বেও কোনও দুঃখ না হয়! অতএব, তোমরা অবশ্যই এমন বাবার মত অনুসরণ করো! কেবল বাবা জ্ঞানের সাগর, এই জ্ঞান অন্য কেউ দিতে পারেনা। তিনি ব্রহ্মার মাধ্যমে সকল শাস্ত্রের সার বোঝান। ব্রহ্মা শিববাবার বাচ্চা। এমন নয় যে ব্রহ্মা, বিষ্ণুর নাভি থেকে বেরিয়েছেন। তোমরা যদি নাভির কথাই বলো, তাহলে তিনি শিবের নাভিপদ্ম থেকে বেরিয়েছেন। তোমরাও শিবের নাভিপদ্ম থেকে বেরিয়েছ। অন্যান্য সব ছবি রং। একমাত্র বাবাই রাইটিয়াস (ন্যায়পরায়ণ)। রাবণ তোমাদের আনরাইটিয়াস বানায়। এটা খেলা। এই খেলাকে একমাত্র তোমরা জানো, কবে রাবণরাজ্য শুরু হয়েছে, কিভাবে ধীরে ধীরে মানুষের পতন হতে হতে পতিত হয়ে গেছে, ওপরে কেউ চড়তে পারবেনা। তারা বাবার কাছে যাওয়ার যে পথ দেখায় তা' তোমাদের আরও জঙ্গলের মধ্যে নিয়ে যায়, কারণ তারা রাস্তা জানেই না; না জানে তারা বাবার ঘরে যাওয়ার রাস্তা আর না জানে স্বর্গের! যে সব গুরু ইত্যাদি আছে সবাই হঠাৎগী, তারা তাদের ঘর-সংসার ছেড়ে দেয়। বাবা তোমাদের ঘর ছাড়তে বলেননা। তিনি বলেন, পবিত্র হও। কুমার-কুমারীরা পবিত্র। দ্রৌপদীরা চিত্কার করে ডাকে,

বাবা বাঁচাও ! আমরা পবিত্র হয়ে কৃষ্ণপুরীতে যেতে চাই । কুমারীরাও ডাকে, বলে, মা -বাবা আমাদের মর্মপীড়ার কারণ, আমাদের মারছে, বলছে আমাদের বিবাহ করতেই হবে । বিয়ের আগে মা-বাবা কন্যাদের পায় পড়ে, কারণ তারা নিজেকে পতিত আর কন্যাকে পবিত্র মনে করে । তারাও ডাকে, হে পতিতপাবন এসো ! বাবা এখন বলেন, কন্যারা অপবিত্র হয়োনা । তানাহলে আবারও ডাকতে হবে । তোমাদের নিজেদের বাঁচাতে হবে । তোমাদের পবিত্র বানাতে বাবা এসেছেন ! বাবা বলেন, আমি তোমাদের স্বর্গরাজ্যের উত্তরাধিকার দিতে এসেছি । অতএব, তোমাদের পবিত্র হতেই হবে । পতিত হলে পতিত অবস্থায় তোমাদের মৃত্যু হবে এবং স্বর্গসুখ লাভ করতে অসমর্থ হবে । স্বর্গে প্রচুর আনন্দ যা মনকে তৃপ্ত করে ; সেখানের মহলগুলো হীরে -জহরতে জড়ানো । সেই একই রাধাকৃষ্ণ পরে লক্ষ্মী নারায়ণ হন, সুতরাং, তাঁদেরও এতটাই ভালোবাসতে হবে । আচ্ছা, লোকে কৃষ্ণকে ভালোবাসে কিন্তু রাধাকে কেন অদৃশ্য করে দিয়েছে ? তারা কৃষ্ণকে দোলায় দুলিয়ে তাঁর জন্মোৎসব পালন করে । মাতারা কৃষ্ণকে অতিশয় ভালোবাসে, কিন্তু রাধাকে তেমন নয় । ব্রহ্মা, যিনি কৃষ্ণ হতে যাচ্ছেন তাঁর এত পূজা হয়না । তারা জগদম্বাকে অনেক পূজা করে । তিনি সরস্বতী, ব্রহ্মার কন্যা । আজমেড়ে একমাত্র আদি দেব ব্রহ্মার মন্দির আছে । মাগ্না জ্ঞান জ্ঞানেশ্বরী । তোমরা জানো, তিনি ব্রাহ্মণ । তিনি স্বর্গের প্রথম দেবী নন । নন কোনও অষ্টভূজাধারিণী ! মন্দিরে তাঁকে অষ্টভূজা সমেত দেখানো হয়েছে । বাবা বলেন, মায়ার রাজ্যে মিথ্যা ছাড়া আর কিছুই নেই । এক এবং একমাত্র বাবা সত্য, যিনি মানুষকে দেবতায় রূপান্তরিত করতে সত্য বলেন । জাগতিক ব্রাহ্মণের থেকে কাহিনী শুনতে শুনতে তোমরা এই অবস্থাতে পৌঁছে গেছ ! মৃত্যু এখন তোমাদের সামনে দাঁড়িয়ে । গোটা ঝাড় যখন জরাজীর্ণ অবস্থায় পৌঁছাবে, তখন কলিযুগের অন্তে কল্পের সঙ্গমযুগে আমি আসি । আমি যুগে-যুগে আসিনা ! আমি রক্তমাংসে গঠিত মতস্য, কচ্ছপ, বরাহের দেহযুক্ত হয়ে এখানে আসিনা । আমি ক্ষুদ্রাতিক্ষুদ্র কণায় কণায় থাকিনা ! তোমরা আত্মারাও কণায় কণায় থাকনা তবে আমি কিভাবে থাকতে পারি ! তারা বলে, মনুষ্যাত্মা জানোয়ারের মধ্যে প্রবেশ করে, কিন্তু তারা এত রকম প্রজাতি যে তোমরা তাদের গুনতেও পারবেনা ! বাবা বলেন, রাইট বিষয় আমি তোমাদের জানাচ্ছি । এখন জাজ করো, ৮৪ লাখ জন্ম কি সত্য নাকি এটা মিথ্যা ? এই মিথ্যা দুনিয়ায় সত্য কিভাবে আসবে ? সত্য তো একটাই হয় ! বাবাই এসে সত্য অসত্যের নির্ণয় করেন । মায়া সবাইকে অসত্য বানিয়ে দিয়েছে । বাবা এসে সবাইকে সত্য বানান । এখন জাজ করো, রাইট কে ? তোমাদের যে এত গুরু-গোঁসাই আছে তারা রাইট নাকি এক বাবা রাইট ? এক রাইটিয়স (ন্যায়পরায়ণ) বাবা এসে রাইটিয়স দুনিয়ার স্থাপনা করেন । সেখানে অন্যায় অনিয়মের কাজ কিছু হয়ই না । সেখানে কেউ বিষের বশে হয়না । তোমরা বুদ্ধিতে পারছ, আমরা ভারতবাসী অবশ্যই দেবী-দেবতা ছিলাম । আমরা এখন পতিত হয়েছি । মানুষ চিত্কার করে ডাকে, হে পতিতপাবন এসো ! রাজা, রাণী, প্রজা সকলেই পতিত এবং সেই কারণেই তারা লক্ষ্মী-নারায়ণের পূজা করে । ভারতে পবিত্র রাজারা ছিল । এখন তারা অপবিত্র হয়ে গেছে ; তারা পবিত্রের পূজা করে । বাবা এসে এখন তোমাদের মহারাজা মহারাণী তৈরি করছেন । অতএব, তোমাদের পুরুষার্থ করা উচিত । অষ্টভূজাধারী কেউ হয়না ! লক্ষ্মী-নারায়ণও দ্বিভূজা ! ছবিতে তারা নারায়ণকে ঘোর কৃষ্ণবর্ণ এবং রাধাকে গৌরবর্ণ দেখিয়েছে । এখন একজন পবিত্র আর একজন অপবিত্র কিভাবে হতে পারে ! সুতরাং, ছবি তো মিথ্যাই হলো, তাইনা ! বাবা বোঝান যে, রাধাকৃষ্ণ উভয়েই সুন্দর ছিলেন । তারপরে কামচিঁতায় বসে উভয়েই অসুন্দর হয়ে গেছে ! তাঁদের একজন সুন্দর আর একজন অসুন্দর হতে পারেনা । কৃষ্ণকে শ্যামসুন্দর বলা হয় ! রাধাকে শ্যামসুন্দর কেন বলা হয়না ? কেন এই পার্থক্য ? যুগল তো একইরকম হওয়া উচিত ! এখন তোমরা জ্ঞান চিতায় বসে আছ, তবে কেন আর কাম চিতায় বসতে যাও ? তোমাদের

বাচ্চাদেরও এই পুরুষার্থ করাতে হবে, আমরা জ্ঞান চিতায় বসেছি ; তাহলে তোমরা কেন কাম চিতায় বসতে চাইছ ? যদি স্বামী জ্ঞান নিয়েছেন কিন্তু স্ত্রী নেননি সেক্ষেত্রেও ঝগড়া বেঁধে যায় । এই যজ্ঞে বহু বিঘ্ন উত্পন্ন হয় । এই জ্ঞানের ব্যাপ্তি সীমাহীন ! যে সময়ে বাবা প্রথম এসেছিলেন তখনই এই রুদ্র জ্ঞান যজ্ঞ শুরু হয়েছিল । যতক্ষণ না তোমরা ব্রাহ্মণ হচ্ছ ততক্ষণ দেবী-দেবতা হতে পারছনা । নির্দেশানুসারে পতিত শূদ্র থেকে পবিত্র দেবী-দেবতায় পরিবর্তিত হতে, তোমাদের ব্রাহ্মণ হতে হবে । ব্রাহ্মণই যজ্ঞ রক্ষা করে, এই যজ্ঞে তোমাদের পবিত্র হতে হবে । যাই হোক, অন্যান্যদের মতো তোমাদের তিল, যব ইত্যাদি সংগ্রহ করতে হবেনা । সমস্যায় পড়লে মানুষ যজ্ঞ রচনা করে । তারা বিশ্বাস করে যে, ভগবানও এই একইরকম যজ্ঞ রচনা করেন । বাবা বলেন, এটা জ্ঞান যজ্ঞ যেখানে তোমরা আহুতি দাও ! দেহ সহ যা কিছু আছে সব আহুতি দিতে হবে । এতে তোমাদের পয়সা ইত্যাদি দেওয়ার নেই, সবকিছু স্বাহা করে দিতে হবে । এই সম্বন্ধে একটা গল্প আছে : দক্ষ প্রজাপিতা যজ্ঞ রচনা করেছেন, এখন প্রজাপিতা তো এক ব্রহ্মা ! তাহলে দক্ষ প্রজাপিতা কোথা থেকে এলেন ? বাবা প্রজাপিতা ব্রহ্মার দ্বারা যজ্ঞ রচনা করেন । তোমরা সবাই ব্রাহ্মণ এবং তোমরা দাদার থেকে উত্তরাধিকার লাভ করো । তোমরা বোলে যে, তোমরা শিববাবার কাছে এসেছ ঋ ব্রহ্মা । এটা শিববাবার পোস্ট অফিস । তোমরা চিঠিও লেখ টু শিববাবা ঋ ব্রহ্মা । বাবার অধিষ্ঠানও এই ব্রহ্মার মধ্যে । এই সমস্ত ব্রাহ্মণ পবিত্র হওয়ার জন্য জ্ঞান যোগ শিখছে । তোমরা এইভাবে বলবে না যে, আমরা পতিত নই । আমরা পতিত কিন্তু পতিতপাবন আমাদের পবিত্র বানাচ্ছেন । কোন মানুষই পবিত্র নয়, সেইজন্যই তারা গঙ্গাপ্লাবনে যায় । এখন তোমরা জেনেছ, এক সংগুরু বাবাই আমাদের পবিত্র বানান । তাঁর শ্রীমৎ হলো, বাচ্চারা তোমরা এক আমার সাথে নিজের বুদ্ধিযোগ জোড়ো । তোমরা চাইলে সেই গুরুদের কাছেও যেতে পারো অথবা তোমরা আমার মতও অনুসরণ করতে পারো । তোমরা নিজেরা বিচার করো । তোমাদের এক এবং একমাত্র বাবা, টিচার এবং সংগুরু । বেহদের বাবা সব মানুষ মাত্রই বলেন, আত্ম-অভিমানী হও ! দেবতার সাক্ষ্যেই আত্ম-অভিমানী । এখানে কারও কাছে এই জ্ঞান নেই । সন্ন্যাসী বলে, যে আত্মা সেই পরমাত্মা ! আত্মা ব্রহ্মতত্ত্বে লীন হয়ে যায় । এই ধরনের কথা শুনতে শুনতে তোমরা কত দুঃখী আর পতিত হয়ে গেছ । ব্রহ্মচারী পতিত তাদের বলা যায় যাদের বিকার দ্বারা জন্ম হয় । তারা রাবণরাজ্যে ব্রহ্মচারী কাজই করে । তারপর তোমাদের সুন্দর ফুলে রূপান্তরিত করতে বাবাকে আসতেই হয় । তিনি একমাত্র ভারতেই আসেন । বাবা বলেন, আমি তোমাদের জ্ঞান আর যোগ শেখাই । পাঁচ হাজার বছর আগেও এই জ্ঞান যোগ শিখিয়ে স্বর্গের মালিক বানিয়েছিলাম, আবারও একবার সেইরকম বানাচ্ছি ! আমি প্রতি কল্পেই আসি । এর কোনও আদি অন্ত নেই । চক্র ঘুরতেই থাকে । প্রলয়ের কোন প্রশ্নই নেই । তোমরা বাচ্চারা এই সময় জ্ঞানরত্নে তোমাদের ঝুলি ভরো । তারা বলে যে, এক শিববাবাই তাদের ঝুলি ভরে দেন । অর্থাৎ তিনি শঙ্খধ্বনি করে আমাদের ঝুলি পূর্ণ করেন । নলেজ তোমাদের বুদ্ধিতে থাকে । আত্মা সংস্কারে পূর্ণ । আত্মা পড়াশোনা করে ইঞ্জিনিয়ার, ব্যারিস্টার হয় । এখন তোমরা আত্মারা কি হবে ? তোমরা বোলে, বাবার থেকে আমরা আমাদের উত্তরাধিকার নিয়ে লক্ষ্মী-নারায়ণ হবো । আত্মা অবশ্যই পুনর্জন্ম নেয় । এই সমস্ত বিষয়গুলো বুঝতে হবে । শুধু দুটো শব্দ তাদের কানে তুলে দাও - তোমরা আত্মা, শিববাবাকে স্মরণ করো, তবে স্বর্গের মালিকানা লাভ করবে । কত সহজ ! একমাত্র বাবাই সত্য, তিনি সকলের সংগতি দাতা । বাকি সকলে মিথ্যা বলে দুর্গতি নিয়ে আসে । এই শাস্ত্র ইত্যাদি পরে রচিত হয়েছে । ভারতের শাস্ত্র একটাই, গীতা । লোকে বলে যে, তাদের স্মরণাভীত কাল যাবৎ গীতা আছে, কিন্তু কবে থেকে ? তারা মনে করে সৃষ্টি লাখ লাখ বছর ধরে চলছে । আত্মা ।

মিষ্টি -মিষ্টি হারানিধি (সিকিলধে) বাচ্চাদের প্রতি মাতাপিতা বাপদাদার স্মরণ -স্নেহ আর গুড মর্নিং । রুহানী বাবার রুহানী বাচ্চাদের নমস্কার ।

ধারণার জন্যও মুখ্য সারঃ-

১) অবিনাশী জ্ঞানরত্ন ধারণ করে শত্ৰুধ্বনি করতে হবে । সবাইকে এই জ্ঞানরত্ন দিতে হবে ।

২) সত্য আর অসত্যকে বুঝে সত্যমতে চলতে হবে । কোনরকম নীতিবিরুদ্ধ কর্ম করোনা ।

বরদানঃ- এক বাবার স্মরণের দ্বারা একরস স্থিতির অনুভব করে সার স্বরূপ ভব

একরস স্থিতিতে থাকার সহজ বিধি হলো স্মরণ । এক বাবা দ্বিতীয় কেউ নয় । যেমন বীজের মধ্যে সম্পূর্ণ বৃক্ষ প্রচ্ছন্ন থাকে । এইরকম বাবা হলেন বীজ, যাঁর মধ্যে সব সম্বন্ধের, সব প্রাপ্তির সার অন্তর্নিহিত আছে । এক বাবাকে স্মরণ করা অর্থাৎ সার স্বরূপ হওয়া । সুতরাং, এক এবং অদ্বিতীয় বাবার স্মরণ একরস স্থিতি বানায় । যারা এক সুখদাতা বাবার স্মরণে থাকে তাদের কাছে দুখতরঙ্গ কখনও আসতে পারেনা । তাদের স্বপ্নও আসে সুখের, খুশির, সেবার আর মিলন উদযাপনের ।

স্লোগানঃ- যারা শ্রেষ্ঠ আশার দীপক জাগিয়ে রাখে তারাই প্রকৃত কুল দীপক ।